



KNATTSPYRNUSAMBAND ÍSLANDS

Aðildarfélög KSÍ
Formenn/framkvæmdastjórar

Reykjavík, 18. janúar 2016.

Reglugerð KSÍ um mannvirkjasjóð KSÍ

Ágætu félagar,

Á fundi stjórnar KSÍ 14. janúar 2016 var samþykkt ný reglugerð fyrir mannvirkjasjóð KSÍ. Reglugerðin hefur þegar verið birt á heimasiðu KSÍ og gildir fyrir keppnistímabilin 2016-2019.

Helstu breytingar á reglugerðinni er kynnt hér að neðan en mikilvægt er fyrir aðildarfélög KSÍ að kynna sér reglugerðina ítarlega.

Helstu breytingar á reglugerð KSÍ um mannvirkjasjóð KSÍ eru eftirfarandi:

- Umsóknir skulu berast á stöðluðu eyðublaði frá KSÍ fyrir 1. mars ár hvert.
- Skýrara er kveðið á um hvaða gögn þurfa að fylgja umsókn og kostnaðaruppgjöri.
- Krafa um úttekt byggingarfulltrúa um lok framkvæmda ef framkvæmdin er leyfisskyld.
- Lágmarksupphæð styrkhæfra framkvæmda er 1,5m kr.

Reglugerðin tekur þegar gildi.

Ef frekari upplýsinga er óskað þá vinsamlegast hafið samband við undirritaða.



Klara Bjartmarz,
framkvæmdastjóri KSÍ.

Janúar 2016

REGLUGERÐ KSÍ
um mannvirkjasjóð KSÍ
fyrir tímabilið 2016-2019

Markmið:

Mannvirkjasjóði KSÍ er ætlað að styðja við nýframkvæmdir knattspyrnumannvirkja á Íslandi á árunum 2016 - 2019, til þess að skapa iökendum, áhorfendum og stjórnendum sem besta aðstöðu. Framlag í sjóðinn fyrir það tímabil sem reglugerð þessi tilgreinir er að fjárhæð 140 mkr. (háð gengi evru á hverjum tíma). Miðað er við að árlega komi fjórðungur þeirrar upphæðar til úthlutunar.

Styrkir:

Mannvirkjasjóður KSÍ styrkir nýframkvæmdir sem aðildarfélög KSÍ bera ábyrgð á og afmarkast framkvæmdirnar við eftirfarandi:

- a. Framkvæmdir á keppnisvöllum í samræmi við kröfur reglugerðar KSÍ um knattspyrnuleikvanga.
- b. Framkvæmdir á æfingasvæðum samkvæmt framkvæmdasamningum knattspyrnufélaga við bæjarfélög eða stuðningsaðila.
- c. Byggingu knatthúsa í eigu knattspyrnufélaga, dótturfélaga þeirra eða á grundvelli framkvæmdasamninga knattspyrnufélaga við bæjarfélög eða stuðningsaðila.
- d. Rannsóknir og verkefni viðurkenndra aðila sem tengd eru uppbyggingu leikvalla og/eða íþróttamannvirkja.

Styrkir eru ekki veittir til kaupa á búnaði og ekki til leigu á mannvirkjum eða búnaði.

Hámarksstyrkur við hvert verkefni er 30% af raunkostnaði en þó aldrei hærri en 15 milljónir króna. Framkvæmd sem sótt er um styrk til skal a.m.k. vera að fjárhæð 1,5 mkr. Greiðslu úr mannvirkjasjóði vegna framkvæmda má dreifa á tvö almanaksár.

Við úthlutun styrka skal sérstaklega tekið mið af stöðu umsækjanda gagnvart leyfiskerfi KSÍ og skulu umsóknir sem miða að því að uppfylla ákvæði leyfiskerfis KSÍ njóta forgangs við úthlutun úr sjóðnum. Aðeins aðildarfélög KSÍ geta sótt um styrk vegna verkefna sem þau bera ábyrgð á.

Umsókn:

Umsókn um styrk úr Mannvirkjasjóði KSÍ skal berast framkvæmdastjóra KSÍ fyrir 1. mars ár hvert. Umsóknir skulu vera á stöðluðu eyðublaði KSÍ og henni þurfa að fylgja eftirfarandi gögn:

- a. Lýsing á fyrirhugðum framkvæmdum og tilgangi þeirra.
- b. Verk- og tímaáætlun.
- c. Sundurliðuð kostnaðaráætlun og teikningar
- d. Staðfesting á fjármögnum.
- e. Staðfesting viðkomandi sveitarfélags á framkvæmdunum og skuldbindingum þess vegna framkvæmdanna
- f. Önnur gögn sem KSÍ óskar eftir.

Sendi félag ekki nauðsynleg fylgiskjöl skal því gefinn 14 daga frestur til að bæta úr, en hafi nauðsynlegum gögnum ekki verið skilað innan þeirra tímamarka skal hafna umsókn.

Framkvæmdastjóri KSÍ metur umsóknir og hefur mannvirkjanefnd KSÍ til ráðgjafar, auk þeirra aðila sem hann telur ástæðu að leita til. Framkvæmdastjóri gerir tillögu til stjórnar um úthlutun úr sjóðnum. Við mat á umsóknum skal m.a. tekið tillit til núverandi stöðu knattspyrnumannvirkja og aðstöðu, og þarfa félags vegna þátttöku í Íslandsmóti og vegna leyfiskerfis KSÍ.

Greiðslur úr sjóðnum:

Styrkur úr Mannvirkjasjóði KSÍ er að jafnaði greiddur út í heild sinni að loknum framkvæmdum viðkomandi verkefnis, en heimilt er að greiða út styrkinn í fleiri greiðslum ef ástæða þykir til og fyrir liggur samþykkt stjórnar KSÍ.

Áður en styrkur er greiddur út skal framkvæmdastjóra KSÍ sent staðfest kostnaðaruppgjör framkvæmdanna ásamt nauðsynlegri sundurliðun og úttekt byggingarfulltrúa um lok framkvæmda ef framkvæmdin er leyfisskyld.

Vilyrði KSÍ fyrir styrk úr Mannvirkjasjóði fellur niður ef framkvæmdir félags hefjast ekki á því almanaksári sem vilyrðið fyrir styrk er veitt.

Hafi vilyrði fyrir styrk úr mannvirkjasjóði verið veitt, en félag sér fram á að framkvæmdir muni ekki hefjast á því almanaksári sem vilyrði er veitt, er félagi heimilt að óska eftir frestun á umsókn sinni um styrkveitingu. Frestur er háður mati stjórnar KSÍ og er ekki veittur til lengri tíma en eins árs.

Ósk um frestun, sem þarf að vera skrifleg og rökstudd, þarf að berast framkvæmdastjóra KSÍ eigi síðar en einum mánuði fyrir lok þess almanaksárs sem fyrirhugaðar framkvæmdir áttu að hefjast.

Samþykkt á stjórnarfundi KSÍ 14. janúar 2016.

Umsóknir um styrki úr mannvirkjasjóði KSÍ 2016-2019

Samkvæmt reglugerð KSÍ um mannvirkjasjóð skulu umsóknir um styrki úr sjóðnum að berast framkvæmdastjóra KSÍ fyrir 1. mars ár hvert.

Umsækjandi:	
Dagsetning:	
Verkefni:	
Áætluð verklok:	
Áætlaður heildarkostnaður:	

Umsókn verður ekki tekin til afgreiðslu nema að eftirfarandi gögn fylgi umsókn:

- Lýsing á fyrirhugðum framkvæmdum og tilgangi þeirra
- Verk- og tímaáætlun
- Sundurliðuð kostnaðaráætlun og teikningar
- Staðfesting á fjármögnun
- Staðfesting viðkomandi sveitarfélags á framkvæmdunum og skuldbindingum þess vegna framkvæmdanna